

# 平定州志

食貨 戶口 賦役 第  
倉儲 鹽法 物產 五  
風土 祥異 冊



平定州志卷五

雍正元年欽奉

諭旨山西平定州等處山多田少粒食恒艱小民向賴  
陶冶器具輸運直省易米以供朝夕近聞直隸州  
縣因米貴禁糶此方百姓何以仰給昔春秋時諸  
侯各君其國尚申過糶之禁今天下一家海內之  
民皆吾赤子自宜緩急共濟現在陝甘督臣運米  
萬石賑救山西甚愜朕意豈有坐視鄰封乏食及  
行過糶之理自今有鄰近郡邑偶遇荒歉卽相賑

平定州志



食貨

戶口

恤母得各分疆界漠不相關其所當禁者富戶規  
利販米動盈千萬又沿海數省運米出洋玩法網  
利該督撫提鎮當着實嚴查禁止至肩負小民貿  
易度日悉從自便可也着直隸巡撫曉諭鄰近平  
定州等州縣不得禁糶以副朕一視同仁之意並  
諭直省各督撫通使知悉欽此  
道光二十三年署  
平定州知州莫兆  
文敬錄勒  
石舊闕



食貨志

前漢志食謂農殖嘉穀可食之物貨謂布帛可衣及金刀龜貝所以分財布利通有無者也食足貨通然後國實民富而教化成嗚呼難言之矣平定山多田少一歲所入不足支半歲率糴食於樂平壽陽樂平壽陽之粟日行於境外其所積固無幾矣以故市糶騰湧常苦不足又皆資乎天時一旬不雨則立槁烏可恃與歷不種桑蠶事闕焉無珍產異物四方游販不至商賈不通貨于何有貧者

平定州志



食貨

戶口

二

不厭糟糠恒食力於他鄉富者衣食纔足而習尚奢靡罕能再世其地使然也賴

國家定制永不加賦無追呼之擾而地當孔道一有他警閭里騷然蓋有可靜而不可動者焉吏茲土者盍思所以撫綏安集之乎

凡門七

戶口

賦役 附稅課 倉儲 附草豆

鹽法

物產 風土 附歲時禮儀

祥異

戶口

自五年編審州縣戶口率以丁簿爲則無大增益  
編審既停其數遂十倍於前蓋始以避徭役致多  
隱匿至其不必避也則亦無所隱矣豈果今昔之  
不同哉我

國家深仁厚澤徧及窮簷地方偶遇水旱按口給食  
動以億萬則今之戶口非特以其生齒之繁而所  
為治安之本端在於是矣

州

平定州志

食貨 戶口

三

明洪武二十四年戶二千八百有九口一萬九千  
三百八十

永樂十年戶三千六百三十口一萬九千九百七  
十有七

成化八年戶三千九百有七口三萬一千六百  
宏治十三年戶二千九十有六口二萬八千四百  
二十

正德七年戶一千八百六十口一萬二千七十  
嘉靖六年戶六百五十有九口一千五百七十有

一十六年戶一千九百有一口五千六百二十  
有八 三十一年戶三千二百八十有五口二萬  
四千四百八十有五 四十一年戶三千二百八  
十有五口二萬七千三百九十有三  
萬歷二十年戶三千二百八十有一口三萬七千  
九百五十有四

崇正間戶三千二百八十有八口三萬六千九百  
一十有三

國朝順治間戶一千一百八十有二口一萬五千三

平定州志

倉貨 戶口

四

百三十有九

康熙六十一年戶一千二百有二口一萬五千五  
百一十有八

雍正四年戶一千四百七十有一口一萬五千四  
百九十有一 九年戶一千六百七十口一萬五  
千四百九十有九

乾隆元年戶二千一十有四口一萬五千四百八  
十有一 六年戶二千六百一十有六口一萬五  
千七百七十有五 十一年戶二千六百三十有

六口一萬五千四百六十有四 十六年戶二萬三千四百七十有五口一十萬二千七百四十有九 二十一年戶二萬三千四百八十口一十萬七千一百二十有四 三十一年戶二萬五千一百三十有九口一十一萬六千一十有七 三十六年戶二萬六千五百四十有二口一十一萬一千二百五十有三 四十一年戶二萬七千二百有六口一十二萬二千二百六十有二 四十五年戶二萬七千一百九十有三口一十二萬一千八百七十有五

平定州志

食貨 戶口

五

八百七十有四 五十年戶二萬七千三百七十有二口一十二萬九千三百有八

嘉慶八年戶二萬七千七百有四口一十三萬二千四十有五 十三年戶二萬七千七百九十有三口一十三萬二千三百八十 二十五年戶二萬七千九百九十有九口一十三萬三千八十有二

道光十六年戶二萬八千三百九十有九口一十三萬四千六百七十有五 二十七年戶二萬八

千六百二十有八口一十三萬五千六百三十有  
一 三十年戶二萬八千六百八十有七口一十  
三萬五千八百六十有八

咸豐三年戶二萬八千七百四十有八口一十三  
萬六千一百二十有二 十一年戶二萬八千九  
百一十有四口一十三萬六千七百八十有七  
同治五年戶二萬九千三十有三口一十三萬七  
千一百三十有一 九年戶二萬九千一百三十  
有二口一十三萬七千四百二十有七 十二年

平定州志

食貨

戶口

六

戶二萬九千二百有三口一十三萬七千六百有  
三

光緒二年戶二萬九千三百有九口一十三萬七  
千九百二十有八 三年戶二萬九千三百六十  
有六口一十三萬八千一百二十有二 四年戶  
二萬九千一十有五口一十三萬五千二百有六  
五年戶二萬九千四十有九口一十三萬五千  
三百五十有七

樂平鄉前明無考

順治七年戶三百八十有九口一千一百五十一  
十一年戶三百七十有七口四千九百有一十  
四年戶三百七十有一口四千八百五十有九  
康熙元年戶三百六十有一口四千六百有二  
六年戶三百五十有八口四千五百一十有九  
十一年戶三百五十有八口四千五百一十有九  
乾隆三十二年戶一萬五千八百六十有六口五  
萬一百三十有五 三十六年戶一萬六千二百  
三十有一口五萬三千一百六十有七 四十一  
年戶一萬六千六百七十有八口七萬一千五百  
五十有九 四十五年戶一萬六千七百七十有  
三口七萬二千五百八十有七 五十年戶一萬  
六千八百八十有七口七萬三千三百九十有五

平定州志

倉貨 戶口

七



賦役 附稅課

自兩稅興而田賦定惟丁口無定然丁有續增亦有應免田則水衝沙壓而賦如故故無累丁而有累賦自編審停而丁亦定然富室丁反少貧無依者或一人兼數丁甚至輟轉相代故無添丁而有累丁初大憲有丁歸糧辦之議民多不便後道光元年孟縣民人秦美章以丁徭歸入地糧徵收每畝攤銀甚少比分征易行完納赴京具控奉

旨令巡撫酌議於道光二年議准一州三縣丁徭統歸  
平定州志 倉貨 賦役 八  
地糧按畝攤征於是民無累丁之患近又有議將累賦亦查明地土歸實徵收者倘能如議則徵納兩便並亦可免累賦之患矣

州

田賦

熟墾地共二千二百九十一頃一十畝六分九釐九毫六絲

原額民地三千一百五十九頃八十七畝二分

舊志載明原額地二千六百四頃八十一畝六分歷年蠲免水衝沙壓等地二百四十四頃八

國初

十六畝五分萬歷九年實丈地二千三百五十九頃九十五畝一分此後增減無可考今斷自為始

順治四年蠲免無主荒地八十頃九十四畝  
十年蠲免無主荒地一千一百三十四頃四十一畝實存平地九頃七十七畝二分三釐坡地一千七百四十二頃四十六畝七分四釐六毫七絲沙地一百九十二頃二十八畝二分二釐三毫三絲三項共一千九百四十四頃五十二畝二分  
十三年至十八年開墾荒地一百五十五頃六十七畝八分一毫

平定州志

倉貨 賦役

九

康熙元年至二十五年開墾荒地五頃六十三畝七分六釐八毫六絲  
十六年清出隱漏地一百六十頃三十九畝八分九釐七毫

雍正六七兩年首墾地一十九頃一畝一分三釐三毫  
十一年兩年開墾地五頃八十五畝九分  
舊志在乾隆六七年與賦役全書不符  
五項共地三百四十六頃五十八畝四分九釐九毫六絲

額徵夏稅秋糧一萬二千一百石六斗二合五勺

各徵不等折色徵銀一萬一千六百五十六兩二錢四分三釐一毫外九釐銀驛站銀加增豐贍庫稅糧馬草銀絲絹銀匠價銀等項計徵銀三千六兩四錢五分九釐七毫共實徵銀一萬四千六百六十二兩七錢三釐

閏年加徵柴值銀四兩六錢黃絲銀六錢三分六釐

按乾隆三十一年定例徵收錢糧尾數折中歸減米以勺為斷其零在五抄以上者作為一勺銀以釐為斷其零在五毫以上者作為一釐不及五抄五毫者刪除此後開各總數俱遵此例

平地九頃七十七畝二分三釐每畝科糧九升共糧八十七石九斗五升七勺坡地一千七百

### 平定州志

倉貨 賦役

十

四十二頃四十六畝七分四釐六毫七絲每畝科糧六升共糧一萬四百五十四石八升四合八勺沙地一百九十二頃二十八畝二分二釐三毫三絲每畝科糧三升共糧五百七十六石八斗四升六合七勺三項共徵糧一萬一千一百一十九石六斗二合二勺每石折徵銀九錢三分二釐八絲五忽有奇計徵銀一萬三百六十四兩四錢一分五釐

順治十三年至十八年開墾荒地一百五十五

頃六十七畝八分一毫糧四百五十一石五斗  
一升五勺各徵不等計折徵銀五百二十一兩  
一錢五分二釐

康熙元年至二十五年開墾荒地五頃六十三  
畝七分六釐八毫六絲糧一十六石二斗五升  
一合四勺各徵不等計折徵銀二十二兩二錢  
二分四釐 十六年清出隱漏地一百六十頃  
三十九畝八分九釐七毫糧四百三十八石五  
斗二升七合四勺各徵不等計折徵銀六百四

平定州志



食貨 賦役

十一

十九兩一錢六釐

雍正六七兩年首墾地一十九頃一畝一分三  
釐三毫糧五十七石三升四合各徵不等計折  
徵銀七十五兩九錢四分二釐 十一年兩年  
開墾地五頃八十五畝九分糧一十七石五斗  
七升七合各徵不等計折徵銀二十三兩四錢  
四釐又原額平坡沙三項地內每畝徵銀九釐  
共銀一千七百五十兩七分又每糧一石派驛  
站銀九分九釐四毫三絲三忽有奇

舊科七分五釐五毫

蠲免荒地後均派加入熟地共銀一千一百五兩六錢六分

五釐又加增豐贍庫稅糧竝馬草折徵銀四錢

二分五釐又加增絲絹銀一百五兩三錢又另

徵匠價銀四十五兩

乾隆三年奉文攤入地內徵收統計得現徵銀

數

徭役民數滋生見戶口門此但記按丁定賦之法康熙五十二年欽奉

恩詔但據康熙五十二年審定丁冊定為常額續生人

丁永不加賦今日現徵之賦乾隆四十一年新定賦役全書稱照乾隆三十一年編審之數刊造自即康熙五十年審定之賦也宜以

### 平定州志

此為斷舊志及各縣志皆首列前明國初歷次加增各數均不脗合悉刪之

實行差人一萬五千二百八十九丁實徵均徭胖

襖顏料地差等銀五千三百八十五兩九錢七分

內胖襖銀九十兩辦買本色顏料銀一十九兩三錢四分六釐

實在人一萬四千三百八十一丁除紳衿優免

本身一百七十五丁實行差人一萬四千二百

六丁內分二則下中則六十一丁每丁科銀五

錢三分一釐八絲徵銀三十二兩三錢九分五

釐八毫下下則一萬四千一百四十五丁每丁

倉貨

賦役

科銀二錢六分五釐五毫徵銀三千七百五十  
五兩四錢九分七釐五毫二則共徵均徭胖襖  
顏料銀三千七百八十七兩八錢九分三釐地  
差銀一千二百六兩三錢五分二釐

順治十二年清出土著新編二百五丁下下則  
每丁科銀二錢七分九釐徵銀五十七兩一錢  
九分五釐 十四年清出優免供丁八百七十  
八丁內下中則二十四丁每丁科銀五錢五分  
八釐徵銀十三兩三錢九分二釐下下則八百

平定州志

倉貨 賦役

十三

五十四丁科如十二年數徵銀二百三十八兩  
二錢二分六釐二則共徵均徭銀二百五十一  
兩六錢五分八釐地差銀八十二兩八錢七分  
二釐統計得現徵數

解支

賦役全書所載各項銀兩尾數截至毫  
為止以符釐數絲以下並從簡

現解布政司戶部起運項下銀一萬三千九百九  
十五兩五錢二釐閏年加徵柴值銀四兩六錢商  
稅正項銀一十兩七錢六分二  
釐酒課銀一兩四錢一分七釐釐多存留驛站銀三  
百五十四兩四錢二分七釐應解銀一萬三千六  
百五十八兩八錢  
錢五分四釐戶部顏料並脚價銀六錢二分二

釐置買紬絹竝脚價銀六十二兩九錢三分四釐  
內解布政司五十兩七錢五分五釐解太原府一  
十二兩一錢七分九釐 閏年加徵黃絲銀六錢  
三分六釐竝 共解銀一萬四千四十三兩二錢七  
解布政司 分二釐遇閏減解銀三百四十九兩一錢九分二  
釐

乾隆四十一年新定賦役全書開載解戶部地  
畝丁徭等銀八千九百三十九兩一錢五毫禮  
部羊價藥味紙價等銀一十八兩七錢三分六  
釐六毫脚價銀一錢九分三釐四毫兵部柴值

平定州志

倉貨 賦役

十四

銀六十兩五錢脚價銀二兩五錢四分九釐七  
毫工部柴夫木柴胖襖等銀六百九十一兩四  
分一釐脚價銀二兩一錢八釐七毫節年裁扣  
存留項款竝裁官經費等項解部銀三千一百  
九十八兩四錢七分九釐四毫內除抵支驛站  
銀三千三百四十八兩七錢一分八釐八毫又  
除節年添設加增各項銀二百九十八兩三錢  
七分五釐七毫又除 二十九年敬陳管見等  
事案內驛丞加巡檢銜添設弓兵工倉銀六十

兩外實應解銀九千二百兩七錢六分三釐二毫脚價銀四兩八錢五分一釐九毫又解本色顏料鋪墊改折核減解部銀五十三兩一錢五分六釐八毫又額外匠價銀四十五兩攤入地畝徵收額外商稅正項銀一百四十一兩一錢四分六釐裁操賞酒課銀一十七兩以上實彙解戶部正賦裁扣裁官經費並開墾額外隱漏首墾增出均徭顏料折價核減停止鋪墊等項共銀九千四百五十七兩六分六釐脚價銀四兩八錢

平定州志

食貨 賦役

五分一釐九毫又解存留本省額編兵餉銀四千五百三十三兩五錢八分四釐統計得解起運項下數又另解本色顏料價銀辦解丁字庫本色黃蠟銀五錢九分八毫脚價銀三分八毫置買紬絹銀六十二兩八錢三分三釐八毫脚價銀一錢三毫得另解數咸豐七年加文昌廟祭留支銀一十五兩七錢八分統計得現解總數

存留驛站銀四千四百五十四兩三錢八分四釐閏年多存留三百五十四兩四錢二分七釐



額編存留銀一千一百五兩六錢六分五釐二毫起運內抵支銀三千三百四十八兩七錢一分八釐八毫

現支工料不敷在於孟縣撥給銀一千二百五十三兩八錢七分九釐二毫共銀二千三百五十五兩四錢二分九釐赴冀甯道請領支銷

兩一錢五分七釐

知州俸銀八十兩 門子二名工食銀一十二兩

皂隸十四名工食銀八十四兩 仵作銀

平定州志

食貨 賦役

共

十二兩 馬快手八名工食銀四十八兩 禁

卒八名工食銀四十八兩 更夫五名工食銀

三十兩 轎夫四名工食銀二十四兩 傘扇

夫三名工食銀一十八兩 庫子四名工食銀

二十四兩 斗級四名工食銀二十四兩 民

壯三十五名工食銀二百五十二兩 捕役八

名工食銀四十八兩

以上工食原額除民壯每名銀七兩二錢外其餘各

役每名銀六兩嗣于禁卒八名議加工食銀十六兩州及三縣同各于門子馬快手轎夫傘扇夫庫子斗級各工食酌撥湊給又設立仵作州及樂平孟各二名壽陽正身二名學習二名向

無額編工食各于皂隸工食內  
鋪司兵四十三

撥給各詳奏銷案不悉載  
咸豐四年奉文裁次

名工食銀二百五十八兩  
酌留二成銀五十一

兩六錢為津貼驛地報馬工料之費  
餘銀二百六兩四錢每年如數批解

州判俸銀四十五兩  
門子一名工食銀六兩

皂隸六名工食銀三十六兩  
馬夫一名工

食銀六兩

吏目俸銀三十一兩五錢二分  
門子一名工

食銀六兩  
皂隸四名工食銀二十四兩  
馬

夫一名工食銀六兩

食貨 賦役

十七

平定州志

儒學學正俸銀四十兩  
訓導俸銀四十兩

廩生三十名餼糧銀九十六兩  
齋夫三名工

食銀一十八兩  
膳夫二名工食銀一十三兩

三錢三分三釐  
每名六兩六錢  
門斗三名工食

銀一十八兩

驛丞俸銀三十一兩五錢二分  
皂隸二名工

食銀一十二兩  
弓兵十名工食銀六十兩  
道光

九年驛丞缺裁俸工亦裁三項銀兩本年奉文  
撥給蘭村主簿支食現今分上下兩忙批解

時憲書紙價銀五兩二錢

聖廟祭祀銀四十兩 啟聖名宦鄉賢各祠祭祀銀  
一十一兩一錢八分 風雲雷雨山川社稷八  
蜡等壇廟祭祀銀二十四兩 州厲壇祭祀銀  
一十二兩

文昌廟祭祀銀十五兩七錢八分

咸豐七年  
二月加

武廟三代祭品銀二十兩八錢三分 雩禮壇祭品

銀三兩 初一十五行香講書銀五兩六錢

鄉飲酒禮銀一十五兩 孤老冬衣布花銀一

十一兩三錢二分八釐 迎春神牛酒席銀五

平定州志

食貨 賦役

六

錢

起送赴考貢生酒席盤纏及考中正貢旗匾花

紅銀八兩

二年一辦共  
銀一十六兩

餞送舊舉人會試盤纏花紅酒席銀六十六兩

三年一辦以十二名為新中進士旗匾賀儀銀

三兩三錢三分三釐

三年一辦以一名  
為率共銀一十兩新中舉

人花紅酒席旗匾賀儀起送會試銀七兩五錢

三年一辦以三名為率

共銀二十二兩五錢 膳錄書手工食銀五兩

三年一辦共武舉會試盤纏銀三兩

三年一辦  
共銀九兩

太原府餞送舊舉人會試卷價酒席銀五錢三

分三釐 三年一辦共銀一兩六錢

以上起運存留共銀二萬二百六兩八錢一分九

釐內徵地糧銀一萬四千六百六十二兩七錢三

釐丁徭銀五千三百八十五兩九錢七分又稅課

項下徵商稅正項銀一百四十一兩一錢四分六

釐酒課銀一十七兩統計得數

耗羨

地糧丁徭內除匠價銀不加耗外實徵正銀二萬

平定州志

食貨 賦役

十九

三兩六錢七分三釐每正銀一兩加耗銀一錢三

分實徵耗羨銀二千六百兩四錢七分八釐 閏年加徵

銀六錢八 按花戶完糧章程向按市秤紋銀時

分三釐 估每徵銀一兩外加耗羨傾鎔銷價

等欸錢二百八十文 嗣於同治三年更換章程將

耗羨等欸錢二百八十文 內減除錢三十文每兩

按市秤寶銀時估外加耗羨

等欸錢二百五十文完納

知州支養廉銀一千五百兩 繁費銀三百兩 州判支養廉銀八十兩 吏目支養廉銀六十兩 驛丞支養廉銀六十兩 支剩耗羨銀六百兩 四錢七分八釐 解布政司

乾隆五十一年奉文耗羨銀全行起解各官養廉赴布政司請領

道光九年裁驛丞養廉銀六十兩現解藩司銀六百六十兩四錢七分八釐

附稅課

酒課銀一十七兩閏年加徵銀一兩四錢七分七釐商稅正項銀

一百四十一兩一錢四分六釐閏年加徵銀一兩七錢六分二釐

釐 以上二款 溢額商稅銀三兩五錢 徵磨課商 並入起運項

稅餘銀八九十兩不等畜稅正項銀四十二兩三

平定州志

錢九分六釐閏月加徵銀三兩五錢二分二釐畜稅盈餘銀四五

十兩不等房田契稅正項銀二十四兩四錢八分

六釐房田契稅盈餘銀一百八九十兩不等當稅

每座徵銀五兩認退無定

乾隆五十一年現徵銀三百三十兩牙稅上則徵

銀一兩二錢中則徵銀八錢下則徵銀六錢認退

無定

乾隆五十一年現徵銀六十七兩

光緒五年當稅現徵銀二百二十兩牙稅現徵銀

倉貨

賦役

二十

四十九兩二錢

咸豐九年蒙

籌餉局憲札飭欽奉

諭旨設立厘卡遵於三月初一日設立舊關娘子關西  
家庄測魚樂平鄉泥澄口圪塔店總分六卡捐收  
行商厘捐銀兩因章程未定商賈未及周知旋即  
停止於是年十一月十九十年正月二十一十一  
年正月初十等日將舊關總卡移至槐樹舖其餘  
娘子關等分卡仍各照舊陸續先後重設委員抽

平定州志

倉貨 賦役

三十一

收嗣於

同治初年因測魚圪塔店二分卡抽收不旺稟請  
裁撤至今只槐娘西泥四卡其所抽厘金或豐或  
嗇俱係由卡自行逕解不入州庫

樂平鄉

田賦

按鄉志地糧銀未各數核算  
多不符合無從考正今仍之

熟墾地一千七百四十九頃九十九畝二分一釐  
七忽五微

原額民地一千六百一十一頃九十八畝一分

二釐六毫五忽順治四年蠲免無主荒地五十  
六頃一十六畝二分五釐順治十四年蠲免續  
荒地五十九頃九十九畝七分三釐七毫實存  
上等地一百二十一頃四十七畝八分四釐上  
次地一百五十五頃八十八畝二分三釐二毫  
五絲中等地二百二十二頃二十四畝四分八  
釐中次地六百七十八頃一畝二分九釐八毫  
五絲五忽下等地三百一十八頃二十畝二分  
八釐八毫五項共地一千四百九十五頃八十

平定州志

倉貨

賦役

三

二畝一分三釐九毫五忽原額慶成府更名田  
地一百三十五頃三十八畝四分二釐五毫順  
治十四年蠲免續荒地九十七頃九十一畝六  
分實存上地一十八頃五十六畝八釐中地一  
十八頃九十畝七分四釐五毫二項共地三十  
七頃四十六畝八分二釐五毫順治十三年至  
十八年開墾荒地九頃八十七畝二釐八毫康  
熙元年至三年開墾荒地八頃七十八畝四分  
五釐三毫康熙十六年清出隱漏地八十三頃

四十七畝三分五釐六毫八絲二忽五微康熙  
六十一年開下等荒地三十八畝七分六釐雍  
正六年首墾地一十六頃二十七畝五釐八毫  
二絲順治十五年至十八年開墾更名田荒地  
五頃四十二畝七分康熙元年至三年開墾更  
名田荒地二頃一十六畝康熙十六年清出隱  
漏更名田地九十頃三十二畝八分九釐八項  
共民田更名田地二百一十六頃七十畝二分  
四釐六毫二忽五微

平定州志

倉貨 賦役

三

額徵夏稅秋糧七千九百八石二斗四升四合九  
勺內本色糧七百七十九石二斗五合七勺折色  
糧七千一百二十九石三升九合二勺各徵不等  
折徵銀六千三百三十八兩八錢四分七釐又本  
色糧改折銀二百七十兩外九釐銀驛站銀絲絹  
銀匠價銀等項計徵銀一千二百三十一兩八錢  
三分七釐共實徵銀七千八百四十兩六錢八分  
四釐閏年加徵柴值銀一兩實徵本色倉斗米三  
黃絲銀九錢三分二釐百二十九石二斗五合七勺



上等地一百二十一頃四十七畝八分四釐每  
畝科糧一斗六升共糧一千九百四十三石六  
斗五升四合四勺內徵本色糧一百二十九石  
六升六合四勺折色糧一千八百一十四石五  
斗八升八合上次地一百五十五頃八十八畝  
二分三釐二毫五絲每畝科糧八升共糧一千  
二百四十七石五升八合六勺內徵本色糧八  
十三石二升三合一勺折色糧一千一百六十  
四石三升五合五勺中等地二百二十二頃二

平定州志

倉貨 賦役

三十四

十四畝四分八釐每畝科糧六斗共糧一千三  
百三十三石四斗六升八合八勺內徵本色糧  
八十五石七斗四升二合一勺折色糧一千二  
百四十七石七斗二升六合七勺中次地六百  
七十八頃一畝二分九釐八毫五絲五忽每畝  
科糧二升九合七勺共糧二千一十三石六斗  
九升七合八勺九抄一撮內徵本色糧一百二  
十六石二升五合四勺折色糧一千八百八十  
七石六斗七升二合四勺九抄一撮下等地三

百一十八頃二十畝二分八釐八毫每畝科糧  
一升二合共糧三百八十一石八斗四升三合  
四勺五抄六撮內徵本色糧二十六石一斗四  
升三合折色糧三百五十五石七斗四勺五抄  
六撮五項共折色糧六千四百六十九石七斗  
二升三合一勺四抄七撮每石折銀八錢九分  
一釐三毫六絲九忽有奇共折徵銀五千七百  
六十六兩九錢一分五釐更名田上地一十八  
頃五十六畝八釐每畝科糧三升共糧五十五

平定州志

食貨 賦役

石六斗八升二合四勺中地一十八頃九十畝  
七分四釐五毫每畝科糧二升四合共糧四十  
五石三斗七升七合八勺八抄二項共徵本色  
米一百一石六升二勺八抄 原額共徵本色糧  
穀五百三十六石  
八斗九升九合三勺每石折粟米六斗共米三  
百二十二石一斗三升九合五勺八抄順治十  
四年蠲免二百二十一石 順治十三年至十八  
年開墾荒地九頃八十七畝二釐八毫徵本色  
糧六十七石一斗八升六合二勺康熙元年至  
三年開墾荒地八頃七十八畝四分五釐三毫

徵本色糧五十七石一升八合一勺八抄六撮  
康熙十八年清出隱漏地八十三頃四十七畝  
三分五釐六毫八絲二忽五微徵本色糧三斗  
五升六合九抄折色糧四百三十八石八斗八  
升六合三勺五抄康熙六十一年開墾下等荒  
地三十八頃七分六釐徵本色糧三升一合九  
勺二抄折色糧四斗三升三合一勺九抄雍正  
六年首墾地一十六頃二十七畝五釐八毫二  
絲徵本色糧六石六斗七升八合一勺六抄折

平定州志

倉貨 賦役

三六

色糧九十五石七斗九升二合一勺順治十五  
年至十八年開墾更名田荒地五頃四十二畝  
七分徵本色糧一十一石四斗九升三合康熙  
元年至三年開墾更名田荒地二頃一十六畝  
徵本色糧三石四斗五升六合康熙十六年清  
出隱漏更名地九十頃三十二畝八分九釐徵  
本色糧二百六石一斗二升七合二勺一抄以  
上墾增民地共徵折色糧五百三十五石一斗  
一升四合七勺折徵銀五百七十一兩九錢三

分二釐又原額五項民地內每畝徵九釐銀四分二釐一毫七絲二忽八微五纖有奇共徵銀六百二十四兩一錢八分五釐又每糧一石派驛站銀八分九釐二毫一絲有奇共銀五百七十七兩一錢六分八釐又加增絲絹銀二十二兩七錢五分又另徵匠價並腳價銀七兩七錢三分四釐乾隆三年奉文攤入地內徵收又原增民更名地內應徵本色糧七百七十九石二斗五合七勺內除徵米三百二十九石二斗五合七

平定州志

倉貨 賦役

二十七

勺外餘米四百五十石每石折銀六錢折徵銀二百七十兩統計得現徵銀數米數

徭役

實行差人四千五百一十九丁實徵均徭顏料地差等銀二千七百八兩九錢四分八釐

內辦買本色顏料銀

二十八兩三錢九分五釐

實在人三千九百六十二丁除紳衿優免本身二百五十一丁實行差人三千七百一十一丁內分六則上下則一丁徵銀一兩三錢中則

一丁徵銀一兩中下則二丁每丁科銀八錢一分徵銀一兩六錢二分下上則三十一丁每丁科銀六錢徵銀一十八兩六錢下中則四百八十五丁每丁科銀四錢徵銀一百九十四兩下下則三千一百九十一丁每丁科銀二錢徵銀六百三十八兩二錢六則共應徵銀八百五十四兩七錢二分現編均徭顏料銀一千七百二十三兩四分九釐除應徵外餘攤入地糧徵收又徵地差銀六百一十一兩一錢三分三釐順

平定州志

食貨 賦役

二十六

治十二年清出土著新編三百一十二丁下下則每丁科銀二錢應徵銀六十二兩四錢現編均徭銀一百二十三兩八錢二分六釐除應徵外餘攤入地糧徵收順治十四年清出紳衿優免共丁四百九十六丁下下則每丁科銀二錢一釐二毫應徵銀九十九兩七錢九分五釐現編均徭銀二百一兩九錢五分三釐除應徵外餘攤入地糧徵收又徵地差銀四十八兩九錢八分七釐統計得現徵數

解支

現解布政司戶部起運項下銀四千八百一十五兩二錢一分一釐閏年加徵柴值銀一兩商稅正項銀一兩八錢七分二釐酒課  
 銀八錢六分七釐多存留驛站銀三百五十九兩  
 一錢三釐應解銀四千四百五十九兩八錢四分七釐  
 戶部顏料並脚價銀四錢二分五釐置買綉絹  
 並脚價銀一十九兩六錢九分四釐內解布政司銀一十三兩  
 九錢九分三釐解太原府銀五兩七錢一釐閏年加徵黃絲銀九錢三分二釐並解太原府共  
 解銀四千八百三十五兩三錢三分現解銀五千二百八兩二錢六分  
 四釐

平定州志

食貨 賦役

三五

乾隆四十一年新定賦役全書開載解戶部地畝丁徭等銀四千五百一十八兩九錢一分二釐八毫禮部羊價藥味紙價等銀八兩八錢八分一釐六毫脚價銀一錢一分二釐七毫兵部柴值銀三十三兩五錢脚價銀一兩五錢二分七釐工部木柴翎毛等銀七十三兩二錢六分五釐二毫脚價銀三錢九分六釐節年裁扣存留項款並裁官經費等項解部銀一千四百三十一兩四錢九分七釐八毫內除抵支驛站銀

三千九百三十三兩三錢二分一釐七毫又除節年添設加增各項銀一百五十五兩五錢六分七釐六毫又除乾隆二十九年敬陳管見等事案內驛丞加巡檢銜添設弓兵工食銀六十兩外實應解銀一千九百一十七兩一錢六分八釐一毫脚價銀二兩三分四毫又解本色顏料鋪墊改折核減解部銀六十二兩九錢七分六釐六毫又額外匠價並脚價銀七兩七錢三分三釐五毫

攤入地畝徵收

額外商稅正項銀二十二

平定州志

倉貨

賦役

三十

兩四錢六分六釐裁操賞酒課銀一十兩四錢以上實彙解戶部正賦裁扣裁官經費並開墾額外隱漏增出均徭顏料折價核減停止鋪墊奉裁驛站等項共銀二千二十兩七錢四分四釐三毫脚價銀二兩三分四毫又解存留本省額編兵餉銀二千七百九十二兩四錢三分七釐二毫統計得解起運項下數又另解本色顏料價銀辦解丁字庫本色黃蠟銀四錢四釐三毫脚價銀二分一釐一毫置買紬絹銀一十九

兩六錢四分五釐七毫脚價銀四分七釐七毫  
得另解數

存留驛站銀四千五百一十兩四錢九分閏年多存留銀

三百五十九兩一錢三釐 鄉仍縣數

額設存留銀五百七十七兩一錢六分八釐三

毫起運內抵支銀三千九百三十三兩三錢二

分一釐七毫 現支工料不敷在于壽陽縣撥給

孟縣撥給銀一百六十八兩九錢五分五毫

毫共銀三百一十四兩七錢八分二釐七毫赴

平定州志

存留官俸役食祭祀襍支照裁定銀一千二百三

十六兩六錢七分七釐 現留鄉數八百六十

知縣俸銀四十五兩 門子二名工食銀一十

二兩 皂隸十六名工食銀九十六兩 轎夫

四名工食銀二十四兩 傘扇夫三名工食銀

一十八兩 庫子四名工食銀二十四兩 以上

改鄉後 俱裁

州判俸銀四十五兩 門子一名工食銀六兩

馬夫一名工食銀六兩 皂隸六名工食銀三

食貨 賦役



十六兩以上四項現在州留支銀內支領舊設

今馬快手八名工食銀四十八兩除現在每名

支給外餘銀二兩四禁卒四名工食銀二十四

錢撥歸禁卒名下撥添銀三兩九錢

兩現在糧差斗級名下撥添銀三兩九錢

夫二名工食銀一十二兩舊設八名裁半留半

工食銀二十四兩現每名按五兩六錢九分二

分二釐撥捕役八名工食銀四十八兩

四名工食銀二十八兩八錢舊設二十六名工

兩二錢改鄉後撥附本州一十八名支銀一百

二十九兩六錢又撥給添設糧差銀二十八兩

五錢餘銀酌留舖司兵二十一名工食銀一百

支給本鄉民壯咸豐四年奉文裁汰酌留銀二成二

二十六兩十五兩二錢為津貼驛報工料費餘

八成銀一百兩八添設糧差五名

錢每年如數解司撥支民壯工

兩五錢下餘銀三錢撥歸禁卒名下

典史俸銀三十一兩五錢二分門子一名工

會銀六兩皂隸四名工食銀二十四兩

夫一名工食銀六兩以上改鄉

儒學教諭俸銀四十兩廩生二十名餼糧銀

六十四兩齋夫三名工食銀一十八兩

平定州志

食貨

賦役

三

夫二名工食銀一十三兩三錢三分三釐 門

斗三名工食銀一十八兩

驛丞俸銀三十一兩五錢二分 皂隸二名工

食銀一十二兩 弓兵十名工食銀六十兩

時憲書紙價銀二兩八錢 今裁

聖廟祭祀銀四十兩 啟聖名宦鄉賢各祠祭祀銀

一十一兩一錢八分 風雲雷雨山川社稷八

蜡等壇廟祭祀銀二十四兩 今裁 邑厲壇祭祀銀

一十二兩 今裁

平定州志

食貨 賦役

武廟三代祭品銀二十兩八錢三分 初一十五行

香講書銀五兩六錢 鄉飲酒禮銀一十五兩

孤老冬衣布花銀一十一兩三錢二分八釐

雩禮壇祭品銀三兩 今裁 迎春神牛酒席銀五錢

今裁

起送赴考貢生酒席盤纏及考中正貢旗匾花

紅六兩 二年一辦共銀一十二兩

舉人牌坊銀五兩 三年一辦共銀一十五兩 餞送舊舉人會

試盤纏酒席銀一十六兩五錢 三年一辦共銀四十九兩五錢

新中舉人旗匾賀儀銀三兩三錢三分三釐

一辦以一名為新中舉人花紅酒席旗匾賀儀

率共銀一十兩 餞送會試銀二兩五錢

三年一辦以一名為本 州餞舊舉人會試卷價酒席銀五錢三分二釐

三年一辦共 武舉會試盤纏銀二兩

三年一辦 以上起運存留共銀一萬五百八十二兩四錢九

分七釐內徵地糧銀七千八百四十兩六錢八分

四釐丁徭銀二千七百八兩九錢四分八釐又稅

課項下徵商稅正項銀二十二兩四錢四分六釐

平定州志

倉貨

賦役

三

酒課銀十兩四錢統計得數

舊支給兵米二百二十六石八斗解和順縣兵米

一百二石四斗五合七勺

餘米解太原現徵本色米

三百二十九石二斗五合六勺七抄除支本營兵

米一百八十石餘奉文改解和順縣

耗羨

地糧丁徭內除匠價竝脚價及本色米改折等銀

不加耗外實徵正銀一萬二百七十一兩八錢九

分八釐每正銀一兩加耗銀一錢三分實徵耗羨

銀一千三百三十五兩三錢四分七釐閏年加徵銀二錢五分一釐按舊志知縣養廉銀一千兩典史六十兩俱在此項下支領今縣裁二缺廉銀亦裁解司止留知州繁費銀二百四十兩驛丞養廉銀六十兩

附稅課

酒課銀一十兩四錢

閏年加徵銀八錢六分七釐

商稅正項銀

二十二兩四錢六分六釐

閏年加徵銀一兩八錢七分二釐以上二款

並入起運項

商稅盈餘銀三四十兩不等畜稅正項銀

六兩九錢六分六釐

閏月加徵銀三錢

畜稅盈餘銀三四

十兩不等房田契稅正項銀七兩二錢二分二釐

平定州志

食貨 賦役

房田契稅盈餘銀八九十兩不等當稅每座徵銀

五兩認退無定乾隆五十一年徵銀一百六十兩

光緒七年現徵銀一百五兩牙稅上則徵銀一兩

二錢中則徵銀八錢下則徵銀六錢認退無定乾

隆五十一年徵銀三十五兩二錢

今仍舊數

倉儲

附社倉義倉  
並附草豆局

古者倉儲之法名實不同要皆以籌緩急備不虞也平定常平倉三處社義倉數處每於春季農民乏食准以此穀出借秋後加息徵還其法甚善然舊志加息一分今則加息三分而徵收之時胥吏苛求雖過三猶或不滿其數所以借時踴躍爭先還時賠累難忍其勢然也至於大荒之年或盡數出賑倉積一空則填倉更難籌辦或採買自上或捐斂自下採買則苦銀不足捐斂又恐民難堪則所謂籌緩急備不虞者亦徃徃名難副實語云有治人無治法是在當事者善為調劑還倉則薄取其息填倉則善因其時庶可民沾實惠倉無虧短名實相副不負古人立法之意云

州

額儲常平穀一萬六千石增儲穀一萬四千石

每年

春農民乏食准以十分之三出借秋後徵還收成七分免息八分以上加息一分又額設孤貧口糧准動常平倉穀支給故每年現儲穀數增減不一此其原額也除歷年支給孤貧並詳明額缺穀六千七百五十七石四斗六升一合二勺又光緒三十四年辦賑動用穀二萬三千二百一十五石五斗

平定州志

倉貨

倉儲

三

一升至六年實存穀二現買補穀二萬六千零四

十七石二升八合八勺八年知州沈晉祥倉三處高積

十九石七斗九升奉發賑款買補倉在州署儀門外水同知宅舊址雍正五年知州

倉在州署大門外青阿立建十七年知州安克寬增建乾隆三十

一年知州陶易重修預備倉在州署大門外明正

計厥八座共四十間統四年知州葉萬建

成化二十一年知州吳藻增修宏治十一年知州

吳賢萬應二十一年知州宋沛皆重修

國朝乾隆三十年知州陶易重豐恒倉在學院署西

修計厥十三座共四十九間豐恒倉乾隆三十年

知州陶易建計厥四座共二十間光

緒八年知州沈晉祥補修三處倉厥

社穀無定額春准借十分之五秋原儲穀二千八

十一石四斗五升無倉君穀儲預備倉舊有倉二處

平定州志 食貨 倉儲 三五

井鎮一在州西平潭鎮今廢嘉慶二十四年豁免

民欠穀六百九十八石光緒三十四年放賑穀一千

三百八十三石四斗五升八年知州

沈晉祥奉發賑款買補穀如放賑數

義穀無定額乾隆十三年知州王祖庚奉文勸輸

原儲穀九百七石一斗四升二合四勺無倉穀儲

高積倉舊有倉六處一在東關一在西郊鎮一在

穰邨俱明知州宋沛建久廢嘉慶二十四年豁免

附 草豆局

草豆局者十四都輸納草豆之公局也向來平甘兩驛採買草豆未立公局頗受胥吏之弊自乾隆五十三年王闕二公設立公局使買有定期收有定制存有定所支有定項公私兩便實為亙古未有之規夫倉儲以養人草豆以養馬其制同也今於倉儲後詳列王闕二公設立公局緣由規條告示碑於左以備後之主斯事者參考焉  
王州尊採買草豆章程告示碑

署平定州印務直隸保德州正堂王示爲立定採

平定州志

倉貨

倉儲

三六

買草豆章程以除積弊以甦民困事照得平甘兩驛共額設馬壹伯陸拾貳匹所需草豆不得不買自民間顧草之爲物甚微而有累於民者甚大蓋價值雖云無多運脚頗爲繁重離城益遠交納愈難且每草百觔到官秤僅及一半此折收之弊所由起也每年料豆向係買自牙行者供支七個月買自民間者供支五個月亦歷有年所相安無事惟是以上兩項買無定期收無定制往往甫經包折於前旋復催呼於後一票未完一票復出經年

累月無所底止再加書吏之差貧賣富差役之需  
索包交百弊叢生公私無益父母斯民者忍令吾  
民之脂膏盡飽長隨吏役之印壑乎本署州洞悉  
前弊爰爲釐定章程限以節制草豆按兩驛額設  
馬匹核定數目先發價值每年春以三月冬以十  
月兩季買草十月買豆供支五個月平秤官斗不  
許浮收其某村應交草豆若干該士民人等秉公  
核計立簿三本過硃一存官署一存該房一存民  
間恐村民或有遷徙盈虛之不齊準於三年五年  
後另行更正過硃交納以期永久無弊事關民瘼  
合亟出示曉諭爲此示仰合州紳士軍民人等知  
悉此後查照後開酌定章程急公踴躍庶於公務  
民生兩有神益其各遵照毋違特示

一除遇有兵差經過另行籌辦外每年平甘兩驛  
共額設馬壹伯陸拾貳匹每匹日需草拾貳觔  
每月共需草伍萬捌千叁伯貳拾觔每年共需  
該採買草陸拾玖萬玖千捌伯肆拾觔屆期發  
價春以三月冬以十月交納



一按上下兩季各採買餘草壹萬觔隨正草交納  
爲大差往來流水差務支用 以上兩項共該  
採買草柴拾壹萬玖千捌佰肆拾觔俱用平秤  
加一交納以備拋撒霉爛如家丁號書敢有額  
外重秤者許卽鳴官究治

一每馬日需豆叁升每日共需豆肆石捌斗陸升  
每月共需豆壹佰肆拾伍石捌斗每年秋後十  
月起至次年二月止供支五個月屆期發價共  
採買豆柴佰貳拾玖石

平定州志

倉貨

倉儲

四十

一採買餘豆伍拾石亦隨正豆交納爲大差往來  
流水差務之用 以上兩項共該採買豆柴佰  
柒拾玖石俱用平斗交納如家丁號書敢有浮  
收者許卽鳴官究治

樂平鄉

常平額儲穀一萬三千石增儲穀一千石咸豐八  
年詳請豁免民歉穀六十九石八斗光緒四年  
奉文賑恤貧民穀八千八百四十四石一斗二  
升放給武營兵丁穀一百五十石撫標營借穀

九百五十九石五斗放給里民籽種穀六百三十五石四斗四升六合並歷年支給過孤貧口糧穀二千九百七十六石六斗現實存穀三百六十四石五斗三升二合八年買補穀九千五百四十九石三斗六升八合知州沈晉祥買補併買補義穀如數社穀無定額現儲穀五百三十石有奇又存息穀二十五石無倉穀散寄各邨俱係四鄉社長經管

義倉無定額舊儲穀五百五十四石四斗無倉穀

平定州志

倉貨 倉儲

望

寄儲南門鳴鳳樓光緒五年奉文盡數放給里民籽種八年買補穀五百五十四石四斗

倉二

常平倉

在鄉署西廡三十七間

預備倉

在鄉署東廡二十四間

鹽法

語云不法法則事無常然立法之道總以便民爲先平定地隸河東而池鹽甚遠難以運往又土宜不任煎熬就近倉鹽相沿已久自吉池歸公之後又於嘉慶十二年至十五年屢次奏明奉

旨平定三處地隸河東應領河東之引境鄰直省應倉長蘆之鹽聽自負販不立商運至於應納鹽課歸於酌留土鹽引稅案內仰見

國家深仁厚澤體恤輿情至周且悉嗣後又有欲立

平定州志

倉貨 鹽法

三

商官運者經吳州主據案申詳蒙批仍循照舊章聽民自便永為定法其引則州縣領自運司課銀名曰鹽稅亦州縣徵收次年彙解運司竝殘引附繳焉

有碑立固關碑文附後

徵稅之法都邨里甲各有定數大約按丁分派永為定額歷無改變

每引一行鹽二百斤徵稅銀三錢九分八釐有奇紙價銀三釐每正稅銀一兩加徵平餘銀二分五釐有奇

州額行八百六十二引正稅銀三百四十三兩一錢七分紙價銀二兩五錢八分六釐加平餘銀八

兩六錢四分四釐

平定州樂平鄉孟縣食蘆鹽碑記 嘉慶十四年十月二十五日直隸總督部堂溫咨查山西平定州等三處是是否吉蘭泰鹽引尚未運抵該處故該州人等仍就近赴直買鹽究應食何處鹽斤為便如何立定章程擬合飛移咨查為此咨貴部院請煩查照迅賜查明咨覆以便酌核等因到晉本年十一月二十二日山西巡撫部院初咨覆准署司詳查該三州縣鄉地處晉東界連直省就近買食蘆鹽相沿已久再查乾隆五十七年以前吉蘭泰鹽池尚未歸公該三州縣雖領河東之引究未食河東之鹽俱係就近買食蘆鹽詳查嘉慶十二年三月二十三日欽奉

平定州志

上諭

河東鹽池將來改歸商運之後誠恐晉省所產鹽斤民食萬一不敷亦當早為籌及或將晉省食鹽地方近蘆東者即食蘆東之鹽近兩淮者即食兩淮之鹽自漸為充裕等因欽遵在案嘉慶十二年平定孟縣樂平三州縣鄉新改為吉鹽引地路遠費重難以運往此外又無可改食之處前經議令該三州縣鄉循照舊章買食鄰境鹽斤應納鹽課歸於酌留土鹽引稅案內會議具奏奉准部覆在案是平定樂平孟縣三州縣鄉既因吉鹽難運往此外又無可改食之處自應買食鄰近土鹽兼食蘆鹽以順輿情俾免食之慮自應買食鄰近土鹽此合咨貴部院暨長蘆鹽院請煩查照轉飭一體遵照施行嘉慶十五年三月二十九日直隸督部堂溫憲牌為飭遵事案據藩運兩司會詳稱山西平定州孟縣樂平鄉三處等民人買食蘆鹽一案既經晉省查明吉鹽難運往此外又無可改食之處議令循照舊章買食鄰近土鹽兼食蘆鹽以順輿情俾免食淡請煩查照飭遵等情到本部堂

據此擬合就行為此仰府官吏即行遵照一面曉諭  
論關口居民人等毋許藉端阻撓滋事如有不法  
棍徒留難勒索等弊即行嚴拿據實究辦毋違須  
牌再於嘉慶十二年二月固關營汛阻攔州民  
鹽駱州人紛紛稟經前任徐州主查案申詳奉  
憲批示關回鹽駱在案茲於嘉慶十五年十一月  
因吉蘭泰新商郭綸音充商認辦按引鹽行州中  
士民呈懇調劑現任吳州主以循照舊章聽民自  
便在於接壤井陘等處就近購買長蘆官鹽以便  
民食等情具詳嘉慶十六年正月月初九日奉到署  
布政司陳劄付蒙巡鹽部院衡批前詳查平定州  
等三處就近買食蘆鹽前經該司議定章程詳咨  
有案自未便令其買食吉鹽舍賤就貴仰布政司  
飭州仍照舊章買食以順輿情繳旋蒙出示曉諭  
一體遵照  
又在案

平定州志

食貨

鹽法

四

物產

平定土產以炭爲最說文所謂炭乃木炭也此炭  
卽漢地志所云石可燃爲薪者取之地中土人每  
視山上石脈卽知炭之有無有穿地至三四十丈  
者其堅者椎之難碎燃之耐久故平定皆有火坑  
以此然亦不過數處如東溝嶺上西鎖簧石卜嘴  
平潭其最著者其他處間有之總遜此數處樂平  
孟又不及州壽陽則無至其他物或同或異可類  
稽焉

平定州志

倉貨 物產

四十五

州

穀則有黍稷粟稻粱大麥小麥黑豆豌豆小豆大  
豆菜豆秫粟蕎麥江豆扁豆麻子胡麻燕麥 貨  
則有絲麻羊毛羊絨蜂蜜石炭磨石浮石火石水  
溜石靛黑礬 果則有桃杏李柿梨紅棗核桃花  
紅果沙果林擒蘋果葡萄石榴無花果 蔬則有  
芥韭芹葱蒜茄匏白菜蘿蔔蒼蘆蒿苣蒿葫蘆  
蔓菁芫荽花椒木耳麻茄眉豆西瓜南瓜絲瓜王  
瓜菜瓜甜瓜北瓜 花則有葵菊石竹萱草鷄冠

牡丹芍藥茨梅鳳仙紫荆山丹玉簪五色梅水紅  
花翠蛾梅粉團八仙千葉蓮木槿迎春月季薔薇  
金盞 木則有松柏槐柳桑榆白楊青楊樺檀  
藥則有連翹赤石脂車前子枸杞牽牛黃芩牛旁  
子五靈脂酸棗仁地黃兔絲子葭苈子防風荆芥  
藁本茯苓地丁天麻柴胡知母石膏遠志夏枯草  
益母草 禽則有鷄鵝鴨鴉鵲燕雀鳩鷓鴣鷹鶴鶉  
鵲鴿野鷄慈烏石鷄黃鸝紅鶴啄木皂鵝 獸  
則有馬騾牛驢羊猪狗猫鹿虎狼狐猴麇豹獾兔

平定州志

食貨 物產

四六

獐黃鼠 蟲則有蠶蜂蛇蝟蛙蝎蜻蜒蝴蝶蚯蚓  
蚰蜒蝎虎蛇獅 鐵產州北諸山中居民冶鐵爲  
生凡日用器具遠貨他方甚利便之 鉛產州東  
北銅題山乾隆十一年知州王世銑募土商開採  
未幾砂斷十三年知州王祖辰詳請封閉今歲時  
二洞尚存 砂產州北山中砂色白俗名乾子村  
民陶爲器皿貨之他方京師呼爲砂弔子者卽州  
產也 生絹色黃如平陽之黃絹而粗疎不及非  
佳品也

風土

附歲時禮儀

班固序風土於魏引唐風稱其君子深思小人儉陋於趙言太原上黨多晉公族以詐力相傾矜夸功名嫁娶送死奢靡平定為唐東境而趙之西鄙二者蓋兼之至於以土會之法辨五地之物生以土宜之法辨十有五土之名物則雖一隅必有可紀者焉

州

郡小民淳俗重端午其風清簡好尚文章

元志其土

平定州志

食貨

風土

四七

瘠其民勤其俗朴質其風慄悍尚有陶唐氏之遺

風呂思誠

平定地僻而要故州人雖處山林澗谷

之中而達於四方之政其為士者亦純明而朴茂疏通而謹恪吏茲土者雖憚於迎送之煩然亦幸

其民易使事易集而政易成也

王鴻儒學記

士勤於學

農務於耕

祝志

其風清簡第尚文學而少爭訟俗重

禮義人業耕耘織紡之利視鄰邑不逮也士占習尚書師授家傳比屋皆是多以經魁省闈市井便作生理男子不遠遊婦女不交易士大夫不衣文



繡不乘輿馬穆志平定風俗夙稱淳樸今則漸入奢

靡冠蓋輿衛以非分交騁庖俎珍麗以侈富相高

至於士民讌飲通宵絲竹自娛每歲冬終夜不絕

至里巷齊民秉燭夜遊俱不爲禁不能不爲風俗

慮也所望司土者返朴還淳一起其敝而更之乎

延志舊志風俗信如唐風所咏季札之觀矣近讀延

計部志視昔稍異山西厥土墮塉故民多貧厥俗

勤儉故用僅足今地利所出不及於昔而奢靡之

風漸比東南將何以爲繼也士大夫家頗倣古禮

平定州志

食貨 風土

四六

者有之而風俗流溢幾至於廢冠不筮賓婚不親

迎况未冠而婚尤爲悖謬家祭無專祠而居室競

爲麗喪用浮屠吹竿伐鼓破涕爲笑習而不怪傳

曰干木隱而西河重王烈賢而太原恥古人一鄉

雅化可覆而試諸延志平定山多土瘠民勞俗朴

國朝百餘年來休養生息戶口日繁計地所出歲莫

能給力農之外多陶冶沙鐵等器以自食他若賈

易於燕趙齊魯間者幾十之五近復習尚奢侈婚

喪讌會及服食器用之屬華皆趨華厭朴務爲觀

美富而教之使俗返淳良風敦朴素豈非良有司之責哉志王俗多淫祀雖孤村僻野賽神演戲無歲

無之其却落大者無月無之補俗重龍神尊之曰

王或謂之大王每當祀期附近却莊扮演雜劇十

百為羣相引而至名曰上會自二月以至六月方

止其祈兩酬神亦如之補諸廟神往往有女像東

關蒼巖廟西關泰山廟尤盛凡鑿錢焚祝皆以婦

女主辦自三月初旬至四月初旬遠近至者不絕

又於二十四二十六日如各却上會之例而人眾

平定州志

倉貨 風土

四九

且十倍萬眾聚觀男女錯雜頗為非宜補人李可贊

物力議曰物力有盛衰天地之氣之盛衰也聖人

立極以補救之當其盛必人知撙節際其衰必人

知勤苦如培生意於寒沍之中母或戕伐以逐天

和斯善愛天地之氣遲而積之以至有餘人事也

實天道之不可易也以余曾所睹記參諸目前天

與人若相反而不相為用人蓋專任其咎矣余生

且七十歲時記諸物易錢較貴而斗米四

一十文為率雜糧二十七文且盈抱時亦災稜旋得豐

亨天之氣若啻歇以大孳生不謂無意歷三十年

中問稍低昂不大駭而牛羊肥碩畜產繁盛前後

未改也民生其間不用巧而用樸不用侈而用約

不淫蕩以傷人心不暴殄以殘物命賢愚各適陵

競不生余不肖蚩蚩安享蓋四十餘年云迨流寇

四訖世始變物始艱貴賤微逐無可深怪乃若旱

澇千里頻復不休地幾不毛苗多不實百物艱難

至極故其騰湧或三四倍六七倍八九倍十倍不止愚民因循其間不能遽減而省受其不足之數逆而上之駭若據其所有餘用亦五倍十倍不肯止吁異矣昔日中人家嫁娶用青梭作上衣今易綾羅增金珠可異也昔日宦門富室文繡之衣不數襲貴重之幣不輕剪而讌居必澣濯著體必布梭今通體綾錦艷新奪目可異也昔日物易致席易辦聊舉一案百五十文事而猶會不得數匪出無故今侈意豐腆羅列盡致一下箸不數干文不舉轉相慕傲兢為矜誇可異也至若內人往來稠疊倍至一有會必精潔飛觴勸酬歌呼盡致可異也又若妄意修福一愚婦導之庸人百輩竭蹶從之立祠宇修齋供在彼在此日異月新迄不能止可異也天不雨粟地不湧金激嗷困窮何必在無藝之誅求供億之繁難無極哉則嘗取而譬之天地吾大父母也今言一家人父母勤瘁子孫服食不言勞或子若孫淫侈自放罔知檢束則父母怒譴怒既加淫放猶故父母即聖善筋力不繼而

食貨

風土

五

平定州志

不得瞻可若何天地之大無以異此嗚呼備極多凶風雨之好莫從亦既警告我下民矣而山林若濯河流頻溢有意耶無意耶或其厭棄不加憫惻未可知抑或耗竭多端氣不能充弱不能收攝皆有之而庸衆人不一知懼可乎懼則思思則憂深慮切將有變計焉惟在上者審時察理遏其所必趨予以所共止則運會在我

論曰明李可贊物力議言習俗奢靡與今同竊怪相距百餘年而其俗終不少變嘗推求其故蓋有生不能養其親不從其教令死薄具棺殮而乃出重貲以圖吉壤事浮屠以免罪愆謂之孝者矣蓋有兄弟爭財宗族乖忤而妻黨媼私餽問不絕淫

朋契合慇懃相與以爲義者矣俗喜詩書而不擇  
師友任其出入游蕩蓋有鬻田以償倍稱之息典  
衣以酬酒食之費謂爲慈者矣且也富者貧之依  
既無利益於人人亦相與岐之有一則以爲百也  
有千則以爲萬也或恐喝以威或誘致以慾不幸  
墮其術中而蕩產失業者有之其或知其害之至  
此也屈力以順適其意一朝失歡而以恩爲怨者  
有之至於士爲四民之首則有以武斷爲能以刀  
筆爲利變亂黑白罔知顧忌嘗見數百家之鄉有

倉皆 風土

五

平定州志

一二人焉其風俗必漓其民情必詐其訟獄必多  
然以彼所爲既常爲人害而身罹法罔者亦有之  
故其富者既多矯飾於非分則財固有所不吝矣  
其岐者亦知得之於不義則用更有所不惜矣而  
中人之家見富者之如此也而勉強其不足以追  
之見岐者之如彼也何爲自苦而一旦使若得之  
是故孝弟之道日薄忠信之心日衰而物力因以  
日絀固然其無足異也昔周官以鄉三物教萬民  
而糾之以八刑蓋以使人皆務本而後作止有度

取予有節雖有不肖之民無由動於邪惡古之所  
謂移風易俗者此爾不此之務而徒咎末俗之侈  
靡政使一世之人皆豐於財而涼於德復奚益之  
有乎

樂平鄉

其俗淳厚而勤儉力田而少文人業耕耘鮮事織  
紵男子不遠遊婦女不交易士夫不衣文繡不乘  
輿馬蓋古陶唐氏之遺風乎

鄉舊志

秉性躁勁賦氣

果決

祝志

平定一屬樂平最瘠苦而風俗亦較樸素

平定州志

食貨

風土

五三

鄉大夫及諸生猶多自好未嘗以事干縣庭其間  
闕勤苦務本習尚節儉日用飲食多麩糞粥雖糟  
糠不棄衣惟布褐即婦女之服統綺亦不概見此  
其俗習固無奢侈之虞以故生其地者厚重寡慾  
其人往往多壽雖秉質使然要亦風氣之淳慤所  
致至于遊戲飲博之徒爲患閭里溷濁市廛者閒  
亦有之倘轉相慕效其漸不可不預防也

鄉志

附  
歲時

立春先一日迎勾芒神出土牛農商百藝扮演雜  
劇隨州尊迎於東郊元旦不炊除夕預治食曰隔  
年飯是日鷄鳴肅衣冠焚香祀天地祖宗燔柴於  
庭以當爆竹燃香燭拜家神祖先賀尊長親朋五  
日黎明剪紙作五窮婦送之警以火炮謂之送窮  
上元前後三日祀三官燈火輝煌鼓樂喧闐里人  
扮演雜劇相戲坊肆里巷士庶之家與街市鋪面  
各家門前累砌炭火焚之名曰塔火一日棒  
槌火童子

平定州志

食貨 風土

五三

以硝磺治成花燈烟火燒放謂之鬧元宵士民遊  
觀街陌謂之走百病是月也女輟針工二月二日  
前夕以石灰圍垣屋以爲禁龍卵又用灰作窖中  
填五穀覆以石晨起開窖取米粟以兆豐年兒童  
於高阜處放紙鳶爲戲寒食日插柳祭奠添新土  
掛紙錢名曰標墓婦女作鞦韆戲剪繒成花片串  
紅花子爲飾五月一日門插桃枝飲雄黃酒五日  
書門符貼艾虎插艾於門簪於鬢食角黍飲菖蒲  
酒小兒戲綵絲百索長命縷婦女裂繒爲人物花

鳥狀佩之以辟不祥男女許聘互相餽送伏日曬書及衣七月七日婦女結綵線穿七孔針庭中設瓜果乞巧幼女以麪製禽鳥形墜果爲戲名曰巧食中元日祀先塋陳瓜果蒸麪爲羊薦之以麥麪作羊像蒸熟送女家剪綵紙成縷掛田禾上以爲避雹災八月仲秋日以瓜餅相餉羅列玩月竟夜笙歌讌飲九月九日炊花糕釀菊酒佩茱萸登高以爲避火災十月一日祭塋如寒食以色紙剪作冥衣焚墓前曰送寒衣起鄉賽各村演戲報神賜

平定州志

食貨 風土

五十四

也十一月冬至日各處書房送禮賀節十二月八日以雜色米豆作臘八粥食之間有好善富室施粥通衢二十三日設糖餽酒果以祭竈神曰送竈除夕日易門神桃符設庭燎焚朮香家人設酒守歲是日嫁娶最多謂之戀歲

附禮儀

冠禮不行已久今惟州縣科歲試尚存已冠未冠之名亦罕有知其義者

婚姻爲人倫之始儀禮有納采問名納吉納徵請

期親迎六禮朱子家禮畧去問名納吉則止四禮  
平定更畧沿舊俗而已禮男子年十六至三十女  
子年十四至二十乃議婚今男女五六歲卽議婚  
甚有襁褓爲婚者媒氏往來通言以女家庚帖爲  
憑禮納采主人具書女氏主人復書今用四六通  
套語富者有紬緞綾錦納於女家名曰遞啟又蒸  
麪餅盈二尺餘名曰花糕以給媒氏禮納幣具書  
復書如納采今用金銀釧釵首簪衣服等類以多  
爲貴有羊酒又爲蒸點如桃形大尺餘飾以綠色

平定州志

食貨 風土

五十五

名曰紅嘴饅首納女子之外家及婚期前數日女  
家將所納諸物悉還男家仍自備釧釵衣服及裝  
奩器皿亦以多爲貴名曰陪房禮親迎用昏時乘  
馬出不用樂今皆以白晝不親迎惟富家始行之  
乘肩輿壻至門以一羊先名曰撞門羊親黨皆遣  
人以二燭前導名曰助燈至鼓樂雖貧者亦用之  
禮女至家婿婦交拜今於院中設几安神祇男四  
拜女立不拜名曰拜天地而不交拜禮明日婦見  
舅姑三日廟見今明日婿婦相偕廟見竝偕拜舅



姑及諸尊長是日女家用餅果具饌遣女客一人至男家名曰送粥禮明日婿往見婦之父母有幣今用酒肉米麪有陪婿一人至女家名曰謝婚女家於旬日備饌食婦黨諸親女客畢至名曰送飯皆婿婦相偕答拜至於女家爭財錢之多寡男家爭粧資之厚薄則尤相習成風以至傾家者往往有之

孔子言喪與其易也甯戚易者節文熟習之謂如儀禮及禮記喪大記所稱是已朱子以古禮繁重

### 平定州志

食貨 風土

卷六

酌其可行者爲家禮而遵用者鮮今以平定言之禮疾病廢牀寢於地又遷居正寢而復今病不易寢死則不復禮小斂沐浴襲衣數稱大斂十之覆以衾今富者衣不過數件而無衾遺衣又不謹藏或相與分析甚且鬻之他人禮束帛依神謂之魂帛立銘旌皆在小斂前今富者始有而用之於葬時禮始死設奠奠於尸東小斂奠於靈座前大斂後有朝夕哭奠食時上食今皆廢惟七七內或將葬時一舉行其儀畧如時祭禮名曰家祭饌具

亦異禮大斂之明日親戚執友有弔有奠有賻奠  
用香茶燭酒果賻用錢帛奠訖乃弔今奠而不弔  
富者用猪首雞魚魚以麪代爲之三牲貧者用麪  
餅二十枚謂之蒸爐會四拜畢主人答以白布帽  
客戴而出其道里遠者則留酒會以豐潔爲敬門  
設鼓吹以噉噪喧鬧爲榮如此者或三日或五日  
有至十日者葬時亦然賻用銀錢媵親兼置饌物  
謂之上祭禮開塋域祀后土及墓下棺祠后土擇  
遠親或賓客一人今惟及墓一祠其人必曾仕宦

平定州志

食貨 風土

五十七

或科第用武者禮題木主用善書者盥手書陷中  
粉面名銜姓諱神主今皆預書訖空主字上點題  
主者用朱筆點之亦必曾仕宦或科第用文者至  
於有尸牀而無靈牀有小斂而無大斂有發引而  
無朝祖虞祭誌石或易爲木明器則有木偶人馬  
樓閣幡幢引路菩薩之類其禮旣多不備戚亦或  
不足焉而其爲費則數十倍於古甚且誦經以懺  
罪演戲以娛尸飾觀增羹則人競稱爲孝不則爲  
人鄙嗤而已亦以爲媿用是有三五年不葬者甚

有遲至二三十年者雖士大夫家有不免焉以上舊志  
道光間風俗猶然自咸豐以來惟喪葬大故頗知  
稱家有無因時安厝其他浮靡奢華尚未盡變由  
此地山多田少人多貿易四方得生息以養家而  
不知以節儉教家相習成風已非一日無教故也  
尚幸士知習禮人皆畏法苟有以教化之風俗有  
不移易者乎

家禮有四時祭又冬至祭始祖立春祭先祖秋祭  
稱皆於祠堂又有忌日有墓祭平定俗最喜修屋

### 平定州志

食貨

風土

五十六

而有祠堂者不過三數家雖士大夫亦皆祭於寢  
室故禮皆廢失惟元旦供茶果四拜酌地以祭其  
他時節供鮮物炷香燃燭而已朔望亦如之忌日  
則具熟食如生人之禮而不變服墓祭於清明日  
七月十五日十月初一日名曰鬼節供餅果焚紙  
錢婦女同往名曰上墳大約其俗於喪禮則奢靡  
而不中儀節於祭禮則簡褻而鮮有敬哀積習相  
沿故不可變也惟望士大夫家講明禮儀遵制守  
分爲人則儉庶幾一變至於道歟

祥異

國以民為本民以食為天如水旱蝗螟風雹雷火  
霜雪不時考其所發者闕乎民命而臨民者之所  
為修政修禳亦即在斯矣故備載之而祥異可以  
類見至於

國家軫恤之典與夫

恩詔蠲免皆所以為民也謹書以誌幸

州

周唐叔得禾異畝同穎獻諸天子王命唐叔歸周

平定州志

食貨

祥異

五九

公於東作歸禾周公既得命禾旅天子之命作嘉

禾

書序

頃王六年秋七月有星孛於北斗傳以為趙

穿之應

漢五行志

敬王二十二年冬十一月丙寅朔日

有食之董仲舒劉向以為晉大夫分晉之應

漢五行志

秦始皇元年封嫪毐為長信侯以太原郡為毐國

宮室苑囿自恣政事斷焉故天冬雷

漢五行志

隋開皇二十年春無雲而雷夏四月天有聲

唐開元二十二年八月好妨害稼有羣雀來食之

一日而盡

宋淳化三年七月蝗蛾抱花自死樂平志同大中祥符

九年州民范訓家牛生二犢 元祐五年禾異畝

同穗六年禾合穗樂平志同

金大定元年春正月風雷大雨雪民大饑樂平志同

元元貞元年六月大雨雹五行志大德九年五月癸

亥以地震故改太原路為冀寧元史皇慶二年七月

雨雹 至治三年七月冀寧屬縣隕霜元史致和

元年三月大饑賑糶米三萬石樂平志同五月冀寧路屬縣雨

雹五行志至順二年四月冀寧路屬縣皆旱不能種

平定州志

食貨 祥異

六十

告饑 六月雨雹傷禾元史至正十一年夏四月壬

午冀寧路屬縣多地震半月乃止元史五行志云聲如雷圮房

屋壓死 十九年夏四月蝗食禾稼草木俱盡所至

甚衆 蔽日礙人馬不能行填坑塹皆盈饑民捕蝗以為

食乾而積之又罄則人相食五行志

明成化六年大旱 宏治十四年雨雹害稼

正德三年雨雹 八年雨雹九年雨雹 十二年

蝗十三年雨雹 十五年雨雹大者如杵 嘉靖

二年雨雹三年雨雹大如磚石傷禾稼四年雨雹

五年大風拔木六年三月二十六日雨土越二

日復雨土樂平志 四月雨雹 十五年十二月初

二日地震樂平志 三十四年十二月初二日地震樂平志

志三十九年大旱蝗四十年五月方雨民饑人相

同各縣志 萬歷八年疫樂平志 九年疫 十四年大旱

樂平志 三十七年秋七月大旱明年夏五月方雨民

志同 死徙者殆半各縣志 三十八年旱樂平志 四十六年金

星晝見樂平志 天啟七年夏地震或日一二次或三

五日一次經兩月餘樂平志 崇正六年旱 七年饑

平定州志

樂平志 十一年旱十二年大饑人相食澤發水涸

十三年旱蝗 十六年二月初五日晴空雷鳴數

刻

國朝順治五年夏秋大有樂平志 七年產麒麟 九年

大水樂平志 十六年三月州西蛾峪邨張氏牛產異

獸形若牛身有麟甲 人以爲麟解京師

康熙四年旱六月方雨大饑免本年稅糧七月嘉

水溢居民被患 五年四月初八日雪深二尺樂平志

同志 六年白狼入城傷人 十六年雨雹地震 二

食貨 祥異 空

十五年四月蝗知州張慎祭固 二十八年大旱蠲

免地丁錢糧樂平志同 六月嘉水漲壞民居 三十五

年二月十八日雨土 六月二十六日雨至八月

十二日方止禾稼俱朽樂平志同 三十六年七月桃李

花開樂平志同 三十七年春大饑人相食蠲免通省二

年地丁錢糧撥米穀賑濟樂平志同 四十年大旱風雹

如碗大積尺餘禾俱無 六十一年四月冰雹

歷三月不雨大旱開倉賑濟樂平志同 七月朔甘露降

雍正元年春饑遣官賑恤樂平志同 五年大疫

平定州志

食貨 祥異

卷三

乾隆六年四月二十五日大風樂平志同 八年秋旱樂平

志同 州龍莊等三十二邨成災 二十三年八月大

風害禾 二十四年春夏大旱秋冬大饑樂平志同 二

十五年春大饑疫大作十月乃止死屍相枕藉樂平

志同 二十七年夏六月大水

嘉慶十八年十九年荒旱歲饑 二十四年夏嘉

水溢居民被患

道光元年大疫二年夏北河暴漲辛南庄五龍廟  
距河高數十丈鐘樓傾沒民屋坍塌無算 四年

秋七月蝗禾稼盡傷 十年十月南坳邨李趙氏

一產三男 十四五年亢旱斗米一千二百文樂平

志斗米天寧寺設飯廠城隍廟立平糶廠救饑

二十一年有白氣起西南長數丈是年大水樂平

三十年有白氣起西南長數丈至昏即見一月始

沒 秋雨四十餘日是歲大饑樂平

咸豐七年旱蝗測魚等邨災開倉放穀 八月初

七日地震彗星見 九年七月十五日夜星隕如

箭樂平

### 平定州志



倉貨 祥異

卷三

同治元年八月初一日卯刻日月合璧五星聯珠

三年二月十八日西門城樓燬附近民房傾倒

死者數人 六年七月十五日巳刻西北方有形

如星大而赤震聲如雷直落東南方去樂平

年秋七月蚱蜢害稼樂平十三年狼傷人 五月

初五日夜半有綠光徧燭四方有聲如雷

光緒元年嶺西冀家邨黑椿頭等邨雨雹 秋八

月禾稼生螻 三年三月初十日雷雨雹溝水暴

漲栢井驛漂去車馬客商十數人娘子關及井陘



冲沒水磨八十餘盤傷人甚多 四月至六月不  
雨 有邪說自東來剪幼壯髮辮以致昏迷

秋大旱是歲大疫人相食斗米價一千六百文

爵撫憲曾奏

聞晉省八十奉  
餘州廳

旨賑恤開倉賑濟蠲免三年下忙錢糧四年上忙錢糧

樂平志同 撥發東南省捐助賑米一千二百石小米三

千石棉衣五百件續發耕牛三百頭馬四百匹以

恤貧民 四年大疫人民流離道殣相望田園荒

蕪廬舍多墟 九月霖雨穀穗盡黑味亦變 冬

### 平定州志

倉貨

祥異

六古

十二月雷 四五年狼入城傷人懸賞格捕狼到

處多鼠晝不畏人

樂平志略同

五月麥大熟

辛莊人劉玘旺年一百有四歲耳生肉角

壽官張璘妻趙氏年一百有二歲

六七八年喉症大作小兒傳染天亡無數

樂平鄉

秦始皇四年大雪

漢景帝後二年秋大旱 冬十月日月皆赤 十

二月雷月色如紫

東晉咸和七年 即石勒建平三年 雹起西河介山大如雞

子平地三尺洿下丈餘行人禽獸死者萬數歷太

原樂平武鄉趙郡廣平鉅鹿千餘里樹木摧折禾

稼蕩然

隋大業八年旱百姓流亡

平定州志

倉貨 祥異

李五

唐貞觀四年秋蝗 總章元年夏四月丙辰有彗

星見於昴畢之間 垂拱三年民饑 乾元三年

四月上已有彗星色白長四尺東方疾行歷畢昴

觜觴參至右執法西凡五旬餘

金承安元年六月乙丑民人利通家蠶自成縣 詔賜

絹十疋

元至正二年夏四月辛丑地震聲鳴如雷裂地尺

餘民居皆傾又大旱自春至秋人有相食者 二

十四年九月癸酉西北方至夜天紅半壁有頃從

東而散

明洪武七年六月蝗 成化二十年大旱 崇正

十二年六月旱蝗十三年十二月饑人相食

國朝順治八年鳳凰山神泉忽湧名靈瑞泉

康熙三十六年七月隕霜殺稼 四十五年大旱

風 四十七年夏秋大有 五十一年旱蠲免地

丁錢糧並節年舊欠有差

雍正四年大有年五年大有年六年大熟七年歲

大稔是年以山西連歲豐登

平定州志

倉貨

祥異

空六

特詔免通省庚戌年地丁銀四十萬以示獎勵 冬十

一月又以民人踴躍急公辦駱駝鞍屐不勞而集

恩詔蠲免通省辛亥年地丁銀二十萬 八年秋大熟

九年大有麥 民人趙正年百歲

乾隆十年八月東枕栳會等邨隕霜傷稼借給口

糧籽種 十三年六月東黃龍等三邨雨雹傷稼

借給口糧 以八年

恩詔替免天下錢糧山西於是年輪免 十四年六月

東黃巖等邨雨雹傷稼賑貸有差 十九年歲大

有 二十二年七月大風傷稼二十三年六月十七日東南趙壁等卹雨雹傷稼借給口糧 二十五年夏秋皆大有民始安 二十七年大熟 三十年六月十四日西梁莊等卹雨雹傷禾 三十五年

恩詔普免天下錢糧山西於三十七年輪免三十九年東黃龍等卹雨雹傷稼四十年大熟四十一年秋旱

嘉慶二十四年冬十二月雪深三尺

平定州志

食貨 祥異

卷七

道光元年秋大有 五年秋飛蝗翳日 十年四月二十四日地震民房傾圮月餘乃止 十二年四月十二日日光赤十三年雨雹大如卵 咸豐七年秋旱蝗米價騰貴行鐵制錢 天鼓鳴 日珥 七月十三日大雷雨西城樓燬 十一年五月彗星見

同治元年有五色蜺蝶大如掌羣飛蔽日秋疫癘盛行 三年正月沾山石壁現三大字形如古篆 秋穀秀雙穗是年大有 八年夏大旱九年夏旱

秋霖雨十年四月二十七日雨至八月乃止

光緒二年四月二十四日大雪 三年四月至八月不雨是歲大稔

恩詔蠲免本年秋糧來年春糧四年又大疫人民流離  
餓殍載道斗米錢一千二百文發倉穀賑濟又兩  
次撥發糶米小米賑恤續發耕牛六十頭馬四十  
匹寒衣五百件以恤貧民



食貨 祥異

六

平定州志

